

— *Brjef landshöfðingja til amtmannsins yfir suður- og vesturumdæminu um tíundarlögin.* — Eptir að hafa meðtekið þóknanlegt álit yðar, herra amtmaður, í brjefi frá 25. þ. m. um fyrirspurn hreppstjórans í Hvítársíðuhreppi, Salómons Sigurðssonar, hvort tíundarlögunum frá 12. júlí þ. á. verði beitt á haustþingum þessa árs, vil jeg þjónustusamlega tjá yður til leiðbeiningar og birtingar fyrir hlutaðeiganda, að það er hvorttveggja, að áminnt lög ekki hafa náð gildi, fyr en 28. þ. m., eða eptir að hausthreppapingin, er halda skal á tímabilinu frá 1.—20. þ. m., eru um garð gengin, enda ákveða lögin að telja skuli fram til tíundar á vorþingum, en á haustþingum ber að eins að lagfæra vorframtalið, að svo miklu leyti sem þörf er á. Af þessu leiðir beinlínis, að áminntum lögum verður ekki beitt með tilliti til framtalsins, fyr en á vorþingum 1879.

168
30. okt.

— *Brjef ráðgjafans fyrir Ísland til landshöfðingja um lán úr viðlagasjóði.* — Í brjefum frá 17. og 29. september þ. á. hafið þjer, herra landshöfðingi í tilefni af 3 bónarbrjefum, sem komið hafa til yðar, lagt það til, að úr viðlagasjóði verði lánað með nánar tilteknum skilmálum 800 kr. Kálfs holts prestakalli, til að fullgjöra nýja timburkirkju, allt að 1200 kr., Reykholts prestakalli, til að framkvæma jarðabætur á túni prestssetursins og 3000 kr. hjeradslækni í 14. læknishjæði, Þorvarði Kjerulf.

169
4. nóv.

Fyrir því læt jeg ekki hjálða til þóknanlegrar leiðbeiningar og birtingar þjónustusamlega að tjá yður þetta: Í brjefi frá 25. júlí þ. á. gerðuð þjer, herra landshöfðingi, þá bráðabirgðaráætlun, að hinn vaxtalaus afgangur viðlagasjóðsins við árslok 1877 myndi vera um 84000 kr.; en aptur á móti sjest það af reikningi þeim, sem hingað var sendur 20. ágúst næst á eptir, yfir tekjur og gjöld Íslands árið 1877, að nefnd upphæð hefir í raun rjettri að eins verið 74,901 kr. 64 aur. Af þessari upphæð er með hliðsjón af áminnztri bráðabirgðaráætlun varið 39,039 kr. 48 aur. til að kaupa fyrir 42,800 kr. í konungl. skuldabrjefum í viðbót við innritunarskirteini viðlagasjóðsins, og þar að auki hafa verið á árinu, eins og viðlögð uppteiknun sýnir, smámsaman leyfð lán úr viðlagasjóði, samtals 36,350 kr. Þó ganga megi að því vísu, að lán þessi verði ekki öll útborguð á yfirstandandi ári, verður þó að hafa peninga á reiðum höndum í því skyni, og með því það jafnvel er mjög vafasamt, hvort fje það, sem ætlað er, að verði umfram frá fjárhagsárunum 1878 og 79, eða hjer um bil 40,000 kr. muni nægja til þess að borga með þeim hin miklu gjöld, sem eru fyrir hendi næstkomandi ár, t. a. m. til að endurbyggja dómkirkjuna og til að stofna gagnfræðaskóla á Möðruvöllum o. fl., álitur ráðgjafinn það ógjörning um sinn að veita ný lán úr viðlagasjóði.

Að því er snertir lán það, er Þorvarður hjeradslæknir Kjerulf biður um, læt jeg ekki undanfalla að leiða athygli yðar að því, að það vantar skýrslu um, til hvers hann ætli að verja láninu og um ástæðurnar til þess, að óskað er eptir, að það verði veitt með öðrum endurborgunarkjörum en þeim, er venjulega eiga sjer stað.

— *Brjef ráðgjafans fyrir Ísland til landshöfðingja um próf í læknisfræði* — Í tilefni af bónarbrjefi kandid. philos. Pjeturs Jónssonar, sem hingað var sent með þóknanlegu brjefi yðar herra landshöfðingi frá 15. f. m., og þar sem beiðandinn, með því honum samkvæmt brjefi ráðgjafans frá 13. apríl þ. á. hafði verið neitað um að verða tekinn aptur inn í læknaskólann í Reykjavík, beiðist þess, að sjer verði veitt leyfi til á sumri komanda, að ganga undir próf við nefndan læknaskóla, vil jeg til þóknanlegrar

170
6. nóv.

170 leiðbeiningar og frekari birtingar þjónustusamlega tjá yður, að hið umbeðna leyfi veitist, eptir því, sem ástatt er.

171 — *Brjef ráðgjafans fyrir Ísland til landshöfðingja um útbýtingu stjórnartíðindanna til hreppstjóra.* — Í tilefni af þóknanlegu brjefi yðar, herra landshöfðingi, frá 15. þ. m., vil jeg þjónustusamlega tjá yður til þóknanlegrar leiðbeiningar, að það er samþykkt, að 1 expl. af B deild stjórnartíðindanna sje frá 1. janúar 1879 sent ókeypis hverjum hreppi á Íslandi, til afnota fyrir hlutaðeigandi hreppstjóra, þannig að hann sje skyldur til að geyma tíðindin og afhenda þau eptirmanni sínum í stöðunni, er til þess kemur.

172 — *Brjef ráðgjafans fyrir Ísland til landshöfðingja um endurskoðun reikninga.* — Í þóknanlegu brjefi frá 14. f. m. hafið þjer, herra landshöfðingi, skýrt frá því, að yður hafi ekki tekizt að fá Lárus yfirdómara Sveinbjörnsson til þess að takast á hendur endurskoðun reikninga þeirra, sem koma frá hinum íslenzku gjaldheimtumönnum, með sömu kostum, sem endurskoðunin nú er falin Árna landfógeta Thorsteinssyni, og að þjer þess vegna hafið álitid rjettast að nota tilboð Árna Thorsteinssonar, um að halda endurskoðuninni áfram um næstkomandi ár. Jafnframt því að skýra frá þessu, hafið þjer enn fremur lagt það til; að Árni landfógeti Thorsteinsson verði losaður við umgetið endurskoðunarstarf frá 31. desbr. 1879.

Fyrir þessar sakir vil jeg til þóknanlegrar leiðbeiningar og frekari birtingar þjónustusamlega tjá yður, að jeg hefi fallizt á tillögur yðar, herra landshöfðingi,

173 — *Brjef landshöfðingja til stiptysfirvaldanna um styrk handa barnaskóla.* — Með heiðruðu brjefi stiptysfirvaldanna frá 11. þ. m. meðtók jeg erindi, þar sem hreppsnefndin í Seltjarnarneshreppi ásamt stjórnöndum barnaskólans¹⁾ samastaðar fer þess á leit, að skóla þessum, sem á fullri eign skólahús, er hreppsnefndin með samþykki sýslunefndarinnar hefir keypt handa honum, verði lagður styrkur af fje því, er veitt hefir verið til slíkra stofnana með 13. gr. C. 6 fjárlaganna, og hefi jeg veitt tjeðum skóla styrk að upphæð 200 kr. fyrir skólaár það, er yfir stendur.

Þetta er tjáð stiptysfirvöldunum til þóknanlegrar leiðbeiningar og birtingar fyrir beiðendunum, og bið jeg þeim afhenta hjálagða ávisun.

Erindisbrjef fyrir vitavörðinn á Reykjanesi.

174
14. nóvbr.

1. gr.

Við vitann á Reykjanesi er skipaður vitavörður með 800 kr. árslaunum og bera

1) Í skýrslu um þennan skóla segir hlutaðeigandi sóknarprestur, að hann hafi verið haldinn 3 vetur frá 1. október 1875 til 14. maí 1878, að í honum hafi verið kennt kverið, biblíusögur, landafræði, mannkynssaga, reikningur, danska og söngur, og að nú sjeu 26 börn í skólanum, þeim skipt í 2 deildir, og noti kennarinn eitt af hinum efuilegustu börnum í efri deildinni sjer til aðstoðar við kennsluna í hinnu neðri.